



Шочмо эл, порылык да чын верч!

Б У Д Ъ Г О Т О В /

5-ше (3756) №,
2026 ий 6 февраль,
кугарня



0+

Имде лий

1933 ий 1 февраль годсек лектеш.



Йочан пашаже куаным пӧлекла



Кумдан палыме руш серызе Аркадий Гайдарын «Тимур и его команда» повестыше кодшо курымышто элыштына тимуровец толкыным ылыжтен. Поро чонан да пашалан чулым ўдыр-рвезе-влак пошкудыштан кызытат полшат, шочмо кундемыштым тўзатат. Марий Элым Вуйлатыше Юрий Зайцевын кўштымыж почеш республикыште «Тимуровцы наших дней» акций эртаралтеш. Школаште тунемше-влак ветеранлан, шонгыенлан, начар тазалыкан ешлан да сарзыен-шамычын ешыштан полшат.

Эртыше арняште теле пагыт тўрлӧ койышыжым ончыктен. Игечын «пӧлекше» дене «кучедалмашке» тимуровец-влакат уш-

неныт. Медведево район Сенькан кыдалаш школышто тунемше-шамыч, у тунемме ий тўналме-как, коча-кова-влаклан сурт кокласе сомылым ышташ полшат.

– Шыжым пакчаште тыршенна гын, кызыт лумым эрыктена. Акийыш 5-8-ше класслаште шинчымашым погышо ўдыр-рвезе-влак ушненыт (ўыл снимкыште). Мутлан, 6-шо класс Римма Алексеевна дек уналыкеш миен (кўшыл снимкыште). Йоча-влакын поро пашаит шонгыен-шамычын кумыллыштым нӧлта да куаным пӧлекла, – ойла директорын воспитаний шотышто советникше Татьяна Эдуардовна Зырина.

Катя СЕРГЕЕВА.

Фото-влакым школ архив гыч налме.

Российысе увер

Түрлө калыкын
икоян улмыштым, келшен
илимыштым сүрет гоч
ончыктыза да «Мозаика
культур: Единство народов
России» конкурсыш
28 март марте ушныза.

«Расскажи миру о
своей Родине» VIII тўнямбал
конкурсышто шочмо кундем
дене палдарыман. Ийготым
шотыш налын, келшыше
танасым ойырыман да пашам
1 апрель марте колтыман.
Кумданрак youthy.ru
сайтыште лудса.

ИИ полшымо дене 30-
60 секундаш мультфильмым
ямдылыза да «Союзмультфильм»
киностудийын эртарыме «Ну,
ИИ, погоди!» конкурсышко еш
дене ушныза. Лекше йодышлан
вашмутым naipogodi.ru
сайтыште рашемдыза.

Марий Элысе увер

Марий тўвыра рўдерын
эртарыме «Элым аралыше-
влаклан» республикысе
усталык онлайн-конкурслан
патриот мурым ямдылыман
але сочинений-эссем возыман.
Тўрыс увер –
mari-centr.ru сайтыште.

Республикысе йоча
«Ўярня» пайрем 18 февральште
Медведево район Пўкшерме
ялыште эртаралтеш. Йодмашым
mari-centr_konkurs@mail.ru адрес
дене электрон почтыш
17 февраль марте колтыман.

Войзаш йоратыше ўдыр-
рвезе-влак «Мой финно-
угорский стиль» фотоконкурсыш
ушнен кертгыт. Фотографий
калык-влакын вургем ден
сўрастарыш ойыртемаштым,
илиш-йўлаштым
почын пуышаш.



Ўшан вараксим

Туныктышына Олимпиада
Алексеевна арнялан ик гана
класс шагатым эртар. Ты гана
Ленинград олесе блокаде нер-
ген каласкален, ятыр фотом он-
чыктен. Сар жапыште мемнан
танаш йоча-влаклан моткоч йўсў
лийын улмаш. Изинек шуко чы-
таш, пашам ышташ логалын. Ме
нуным чаманенна. Лиза тыге ма-
нын: «Эх, лийже ыле полшаш. Эн
тамле кампеткем-влакым пуэм

ыле...». «Мый шкенан деке ўжам
ыле», – ешарен Костя.

Туныктышына сенымашлан
ўшаным пўлеклыше вараксим
дене палдарен. Ме тудым кагаз
гыч ыштенна (снимкыште). Чон-
ланна ласкан чучын. «Мыйынат
кайыкем енг-влаклан полшаш
тўнгалеш», – ойлен Фёдор.

Кирилл ИВАНОВ.

Марко, Арын.

Фотом школ архив гыч налме.

Пайдале сомыл

Пелемеш ялыште «Поры-
лык» поро кумылым ончык-
тымо толкын пашам ышта.
Тушко түрлө ийготан енг-влак
ушненыт. Ковай-шамыч, кас-
тене верысе клубыш погы-
нен, йўрем лашкам (домашняя
лапша) ыштат, сукаралан кин-
дым коштат. Ме, йоча-влак,
окоп сортам ямдылена. Спе-
циальный сарзе операций-

ыште улшо-шамычлан рўж
полшена (снимкыште).

Тений лум ятыр возын. Яра
жап годым верысе талешке-ша-
мычын да шкет илыше илал-
ше-влакын суртышкышт лумым
эрыкташ коштына. «Порылык»
толкын ятыр пайдан конда.

Антон ИБАТОВ.

Татарстан, Агрыз, Буймо.

Фотом школ архив гыч налме.



8 февраль – Россиясе шанче кече. Шымлымаште – Вий

Марий шанче илыш-йўланам, йылмынам да эртыме корнынам арала. Наукылан илышыштым пӧлеклыше-влак калыкна верч кече еда тыршат. Нунын кокла гыч иктыже – Марий кугыжаныш университетсысе марий йылме да литератур кафедрын доцентше, урал йылме-влак дене философий шанче доктор, филологий шанче кандидат Елена Григорьевна Лас-точкина (снимкыште). Шанче пашаенгы илышыже мо дене ойыртемалтеш? Тиде да моло йодышлан Елена Григорьевна вашешта.

– Йоча пагытыште кӧ лияш шоненда?

– Мый изинекак тунемаш йӧра-тенам. Икымше классыш изам дене пырля кайынем ыле. Но кӧ ныл ияш йочам школыш колта? Моткоч шортынам. Шым ийым темымеке, Кужӧнер районысо Лаждӧр кыдалаш школыш каенам. Тудо шочмо Кожласола ялем деч 4 менге тораште верланен. Изи лийынам гынат, ты корным эре куанен эртенам. Школышто марий йылмылан шӱмангынам, руш йылме ден литератур келшенит. Ты предметла деке йӧратымашем йӧледӧр кыдалаш школышто виянгын, филологий корным ойыраш кумылан ден, а Марий кугыжаныш университетыш тунемаш пурымеке, шанче паша пӱтынек авалтен.

– Те могай йодыш-влакым шымледат?

– Марий йылмысе омоним-влакым шымлем. Тыгайже йылмыштына ятырак, кажныже



ойыртемалтше. Книгалаште, му-терлаште омонимлам кычалынам, иквереш чумыренам. Тыге йылмынан поянлыкше у могыр гыч почылтын. Ты теме дене диссертацийым араленам, «Омонимы в современном марийском языке» монографийым возенам. Кызытсе жаплан 50 наре шанче пашам уло. Палыдыме мут але тудын умылымашыже кече еда лектеш. Кажныже шылтен пыштыме ший-шӧртньӧ гай чучеш.

– Аспирантурышто тунемме пагытда илышыштыда, пашаыштыда могай шарнымашым коден?

– Шинчымашым Тартушто погенам. Ятыр финн-угровед дене палыме лийынам. Одо, мордва, коми, эстон, финн да моло финн-угор йылмыласе шанче проблеме-влак нерген мутланенна. Тыгак эстон йылмым тунемынна. Кызыт мый

вич йылмым палем: марий, руш, эстон, финн, англичан. Шуко йылмым палыме нигунам уто огыл, а шанче пашаште тудо шерге поянлык. Тыгак Европысо тӱрлӧ элыште лийынам.

– Йочам шанче паша дек кузе кумыландыман?

– Шанче паша кугу чытышым, уш-акылым йодеш. Тӱням умылаш тыршыше кумылан икшывым изинекак куштыман. Йоча-влак йодышым пуэдаш йӧратат, тиде койышым вияндыман. Кызыт тӱрлӧ ийготан икшывылан келшыше, тӱрлӧ темылан пӧлеклалтше шанче видео-шамыч улыт. Нуным ончен, йоча дене мутланымашым эртарыман, ӱчааш, шке шонымашыжым арален мошташ туныктыман. Мутлан, мый шке икшывем «Робототехника» кружокыш коштыктем, тиде моткоч пайдале. Йоча шонаш, кид дене иктаж арверым але техникым погаш да компьютер гоч тудым тарватылаш тунемеш.

Катя СЕРГЕЕВА мутланен.
Фотом еш архив гыч налме.

• Палаш онай •

● Россиясе шанчын шочмо верже – Санкт-Петербург. Лач тушто 1725 ийыште Император шанче академий почылтын.

● 1930 ийыште Йошкар-Олаште Марий шанче институт почылтын. 1983 ий гыч тудо икымше марий учёный В.М.Васильевын лӱмжым нумалеш.

Йӱштӧ да тамле

Моло йоча-влак семынак мый мороженныйым кочкаш йӧратем. Сандене класс дене Йошкар-Оласе «МариАйс» фабрикиш экскурсий дене мийымылан (снимкыште) поснак йывыртенам. Цехыш пуримо деч ончыч мыланна бахилым, калпакым, наикдым чияш пуэныт. Йырым-йыр ару. Мороженныйым ыштымаште ятыр еш тырша. Шӧр, тамле сийыш савырымешкыже,

кужу корным эрта. А мыняр тӱрлӧ нуно улыт! Эше ужалымашке лукдымо «Фруктовый чай» у мороженныйым ямдылымым ужынна.

Чылажат онгай да пайдале лийын. Энгыж, банан, кампетке, вишне да вестӱрлӧ таман лумӧгерчым кочкын онченна. Мыланем шоколадан поснак келшен.

Яна МАМАЕВА.
2-шо номеран Шернур школ.
Фотом школ архив гыч налме.



Чавайн



тукмыл ылына Ямде улам!

Почеламутым кумылын возем,
Сераш моткочак йöратем.
Ача-ава, пүртүс нерген,
Школ илыш дене кугешнен.

Эрдене эр мый кыналам,
Уэш «поэмым» возыман.
Ручкам, тетрадьым вик налам,
Үстел коклаш возаш шинчам.

Да «Ямде лийышке» колтем,
Савыкталтмыжым вучем.
Улам мый ямде, «Ямде лий»,
Сераш эре! Перошто – вий!

Андрей УШКОВ.
Волжский, Сотнур.

Юнкор лиям

Мый индеш ияш улам, кумшо клас-
сыште кумытан отметке деч посна
тунемам. Келге шинчымашым налаш
тыршем. Туныктышына – Зоя Нико-
лаевна. Тудо поро кумылан, мемнан
верч шуко тырша. Школышто түрлө
кружок пашам ышта. Ме «Айвика»
кружокыш куанен коштына. Тушто
почеламутым, йомакым, заметкым
возаш тунемына. Ешартыш шин-
чымаш илышыште эре күлешан.
Илен-толын, ала мыят юнкор лиям?

Яра жапыште ача-авадан сурт
сомылкам ышташ полшем. Күва-
рым үштам, пырысым пукшем. Те-
ний лум моткоч шуко. Пырля по-
гынен, лумым куэна. Түшка паша
кумылым нөлта.

Юлия ГУРЬЯНОВА.
*Волжский, Пётъял школ пеленысе
Йоча ысталык пöрт.*

Синквейн

Кружок
Онай, йöратыме.
Шуара, куандара, туныкта.
Ешартыш шинчымашым пуа.
Урок.

Костя ЭМАНОВ.
Морко, Шүргыял.

Порылан туныктышо у книга

Йоча книга юзо шўлышан. Тудо
моторын сöрастарыме комжо
денак лудшым шкеж деке шў-
манда. А тушто аралалтше про-
изведений-шамыч ўдыр-рве-
зе-влаккан уждымо тўням почыт,
у йолташ дене палымым ыштат
да порылан туныктат. Уста пи-
сатель **О.В.Кузнецован «Когда
папа рядом» савыктыме пашаже
лач тыгай.**

27 февральыште Республики-
се йоча да самырык-влаккан
В.Колумб лўмеш книгагудышто
Йошкар-Оласе 9-ше да 23-шо
номеран, Знаменский
посёлкысо школлаште
тунемше-шамычын
автор дене вашлийын
мутланаш йöнышт ли-
йын. Ольга Валерьевна
(снимкыште) «Книжная
палитра народов» I те-
ле лудмаш фестиваль
кышкарыште у книгаж
дене палымым ыштен.

– **Марий книга изда-
тельстве дене пырля пеш сылне
книгам савыктыме. Тудо ойыр-
темалтше. Лаштыклашкыже
QR-кодым верандыме. Йоча
телефон камержым лишемда
гын, сўрет-влак «ылыжыт».**
**Жап дене тöр ошкылмаш, у
технологий-шамычым кучылт-
маш самырык-влакым лудаш
кумыландат. Весела ойлы-
маш-шамычын геройлаж дене
пырля йоча лекше нелылыкым
сенаш, ончыко ўшан дене каяш
тунемеш, – ойла серызе.**

Савыктыме деч ончыч книга
пеш кужу корным эрта. Редактор
терга, корректор йонгылышым
кычалеш, сўретче лаштык-
влакым сöрастара, дизайнер
возымым да сўретым күлеш ве-
рыш веранда, типографий па-
шаен-шамыч печатыйш колтат,
машинам виктарыше кевыт-
лаш, книгагудылаш шупшык-
та... Тыге икмыняр тылзе,
эсогыл ий эртат. Ты увер йо-
ча-влакым моткоч öрыктарен.
«Когда папа рядом» книгасе сю-



жетын рўдыжлан мо
возын? Тидымат ту-
немше-шамыч рашем-
даш тыршенит.

– **Чылажат илыш
гыч налалтеш. Мут-
лан, вуймутлан
кучылтмо «Когда**

**папа рядом» ойлымаш эргымын
йоча жашшым ушештара. Ту-
немемлан көра ныл ияш икшы-
вем ачаж дене коктын тылзе
иленыт. Мöнгö пöртылмекем,
муным жаритлаш шогалын.
Мый ала кидшым йўлалта ма-
нын лўдынам. А тудо укем шен-
геч кажне кечын шке кочкаш
ямдылен улмаш, – воштылеш
О.В.Кузнецова.**

Книга презентаций – «Книжная
палитра народов» фестивалын
ик эн сылне мероприятийже.

– **Ты пайрем йўлаш савыр-
на манын ўшанем. Шошымат,
кеңезымат, шыжымат эр-
таралтишашак. Тек йоча да
самырык-влакым лудаш кумы-
ландыше мероприятийла еша-
ралтыт, книга-шамыч чўчкы-
дын савыкталтыт, – палемден
Марий Эл Республикын тўвы-
ра, печать да калык-влакын па-
шашт шотышто министрын ал-
маштышыже Николай Любимов.**

Оля МАЙКОВА.
Авторын фотожо.

Кава чаракым ок пале



Авиамодельный спорт пыл коклаште тагасаш корным почын. Изижат, кугыенжат, уш-акылыштым пудыратен, виян модель-влакым чонат да түрлө тагасымаште южым сенаш тыршат. 2017 ий гыч Марий Турекыште авиамоделирований кружок пашам ышта. Тудын ик эн виян шұдыржө – София Волкова (**снимкыште**). Ёдыр Марий Турек кыдалаш школышто 9-ше «А» классыште тунемеш. Школ пеленысе авиамоделирований кружокышто кандашымше ий мастарлыкшым виянда.

– Мыланем ты кружок икымше занятий гычак келшен. Тыште уш-акылым пудыратылаш да шинчымашым практике пашаште кучылташ лиеш, – ойла София. – Модельым кузе вияндыме, писемдыме шотышто вашмутым кече еда кычалман.

София тунеммаште сай лектышым ончыкта. Яра жапыште волейбол дене модеш. Судомоделированийыштат шкенжым терга. Түрлө тагасымашке ушна. Кызытеш кандаш икымше да лу призовой верлам сенен налын. Сай лектышым ужын, Софиан Алиса шұжаржат спортын ты видшылан шұмангын. Изи ёдыр 4-ше классыште гына тунемеш, но шке ийготан йоча-влак коклаште республикысе тагасымаште сенышш лектын.

Ака-шұжарын пенгыде энертышышт – Анатолий Семёнович Волков. Тудо кружокым вуйлата. София ден Алисан – йоратыме кочашт. А.С.Волковын тыршымыжлан көра ятыр ёдыр-рвезе авиамоделирований деке шұмангын.

Катя СЕРГЕЕВА.
Фотом еш архив гыч налме.



Физкультура

Келшымаш сенен

Спорт дене изинек пенгыде кылым кучена. Шукерте огыл 3-шо классыште тунемше-влак коклаште «Большие гонки» спорт модмаш лийын. Тудым мыланна 7-ше классыште тунемше вожатына-шамыч эртаренят. «Искра» ден «Факел» командьлан шелалтын, «Армейский магазин», «Паровозик», «Туристическая тропа», «Челночный бег» да моло конкурслаште вий-куатнам, чолгалыкнам, писылыкнам тергенна. Чыланат чот тыршенна. Садланак келшымаш сенен. Вожатына-влак ончыкыжымат түрлө модыш дене мемнам куандарат манын шонена. Спорт дене кылым кучен веле таза лийына.

Зарина БАРЕЕВА.
Волжский, Пётъял школ пеленысе
Йоча ұсталык пёрт.

Тыршымаш куандара

Шукерте огыл Чуваш Республикыште тайский бокс дене откритый турнир эртаралтын. Тушко пошкудо республикла, Виче кундем гыч ёдыр-рвезе-шамыч ушненят. Ик тагасымашымат ны куштылго, ны неле манаш ок лий. Мыняр шагат дене капкылым шуарыме?! Тренер ден спортсменын тыршымышышт аклаш лийдыме. Тагасымаш годым ушышто уто шонымаш пёрдшаш огыл. Тунам гына сенаш лиеш. Тиде тагасымаште мый икымше верым сенен налынам (**снимкыште**). Тренерем Д.Л.Текутьевлан кугу таум ойлем.

Венера ЛАРИОНОВА.
4-ше номеран Медведево школ.
Фотом еш архив гыч налме.



• Увер •

14 февральыште Йошкар-Ола воктенысе «Корта» тунемме да тренировкым эртарыме базыште «Российын ечыгорны жо-2026» всероссийский тўшка ече тагасымаш 44-ше гана эртаралтеш. Участник-шамыч 5 але 10 километрым куржын кертыт. Тагасымаш 10 шагатлан тўналеш.





Ася

Пырысем моткоч йоратем. Тудым изиж годсек ончем. Ковам мыланна пуэн. Ася кужу пуан, канде шинчан (снимкыште). Воктенем шўрангыштеш. Йочасад гыч толам – пырысем дене модам. Эре пленем. Ася лўм мыланем келша, сандене тыге лўмденам.



Ева ВИНУКUROBA.

*Йошкар-Ола,
80-ше номеран йочасад.
Фотом еш архив гыч налме.*

Онгай модыш

Суртыштына кок пырысиге ила. Иктыжым йошкар пуан улмыжлан кōра Рыжик манын лўмденам. Весыжлан Гуфи лўмым пуэнам. Тудо шем тўсан, лач нерже да чапаже ошо. Ныл йолан йолташем-влак школ гыч пōртылмем кажне кечын вучат. Мый нунылан онгай модышым ямдыленам: шўртō мучашке, бантик семен тодылын, кагазым кылденам. Почешем ўчашен-ўчашен кудалыштыт.

Ангелина ЕРШОВА.
*Кужнер, Кугу Тўмнымучаш.
Фотом еш архив гыч налме.*



Фенрир – кумшо «икшыве»

«Пий – айдемын йолташыже», – манят калыкыште. Иктышт презе гай кугум ашнат гын, весышт – пырыс дечат изиракым. Чихуахуа урлык пият моткоч изи. Тыгай ныл йолан йолташ «Ямде лий» газетын ончычсо пашаенже Елена Иванов Артём эргыжынат уло. Нуным **снимкыште** ужыда. Ойыртемалтше урлык пий нерген Елена дене мутланышна.

– *Настя ўдыремат, Артём эргымаат изишт годым эре пийым йодыным. Мый эре тореш лийынам. Ёмаште Настя шольжышын шочмо кечыжлан кум тылзаш пинегым вучыдымын пōлеклен. Ынде тудо мемнам куандара. Фенрир лўмым пуэнна. Кусараиш гын, «кугу шем пире» маным ончыкта, – палдара ава.*

Чихуахуа урлык пий-влак моткоч ушан улыт. Фенрират кажне гаяк мутым умыла, пырля илыше да унала чўчкыдын толшо лишыл ег-шамычым лўм дене пала. Еш дене лияш йōрата. Озаже-влакын школ, паша гыч толмекышт, чот йывырта: йолыш, кидыш кержалтеш, нула, воктечат огеш коран. Кутырымо кумылымат шижеш. Ныжылгын мутланет – тудат сай, пентгыдырак каласет – сыра да осалым ыштен кертеш.

Ивановмыт Фенрирлан пайдале, келшыше кочкышым веле пукшат.

– *Эн ондак налме кукшо кочкыш дене сийленна. Тудым кочмым чарнымекыже, тўрлō пучымышым шолташ тўналынна. Тушко коян огыл шылым але колым да пакчасаскам пыште-на. Киярым, кабачокым, кавуным йōрата. Кочкышым шинчал деч*

посна ямдылена. Вўд эре шинча ончылыжсо лийшаш, – ойла Лена.

Чихуахуа тўрлō командым палыже манын, кугу тўткышым ойырыман. Фенрир ойлымо почеш унчыливуа савырна, возеш, шинчеш, йолжым пуа, кокйола шогалын пōрдеш. Тидлан мокталтат, лўмын налме тамле кочкышым пуат.

Ивановмытын ныл йолан йолташышт уремыш лекташ йōрата. Идалыкын кажне пагытыштыже чияш йōршō вургемжат уло: комбинезон, жилет, тўрлō йолчиюм да молат. А урем гыч пуртымеке, эре мушкыт мо? Тидлан ава тыге вавештыш:

– *Пийым чўчкыдын мушкаш ок лий. Шыжым, шошым кажне гана йолжым, мўшкыржым мушкына. Урем гыч пуртымеке, йолжым от муш гын, верже гыч ок тарване. Тидланат изи годсек туныктенна. Тыгак кўчшыым пўчкедыман.*

Фенрирын пачерыште шулдыран йолташыже уло – Тиша попугай. Нуно келшен илат. Мутлан, олмам пырля кочкын кертыт. Тишажат пий дене пырля чолгарак лийын, шукрыак тўткышым йодеш, воктек чўчкыдынак лишемеш.

– *Пий ўмырым кужемда манын, арам огыл ойлат. Уремыш лекмет шуэш ма, уке – садикте пий дене пырля 20-30 минут яндар южым шўлен пурет. Паша гыч пōртылат – куандара, кумыл утыр нōлталтеш. Кеч-куш каена гынат, эре пеленна налына. Икманаш, кумшо «икшывына» гай. Моткоч йōратена, – ойла Елена.*

Христина АЛЕКСАНДРОВА.
Фотом еш архив гыч налме.



Кайыкклан полыш

Теле рүдө. Кайык-влакклан неле жап. Кочкишым муаш куштылгыжак огыл. Икымше классыште тунемше-влак (снимкыште) шулдыран йолташна-шамычлан полшаш кумылангыч: кинде пудыргым, пырче ден кечшудым кондышт, кормушкым шке кидышт дене

ыштышт да пушенге укшлаш пырля сакышт. Ынде кайык-влак йочан порылыкшылан да туткылыкшылан көра йүштө да поранан игечым куштылгынак чытен лектыт.

Людмила АЛЕКСЕЕВА.
Волжский, Пётрбург.
Авторын фотожо.

Калык пале

• Öрш окна йымалне шүшка гын, игече левешта.



Лүмем дене кугешнем

Мыйын лүмем – Юлия. Кусараш гын, «пушкыдо, пашалан кумылан» манме лиеш. Тыгай уверым интернетыште кычал муынам. Шкемым весела койыш-шоктышан, пашам йоратыше ўдырлан шотлем. Юлия лүман улмем дене моткоч кугешнем. Кумдан палыме мурызо Юлия Савичеват тыгаяк лүман. Тудо ылышыжым муро дене кылден, а мый мом ужмем, колмем нерген уло кумылын газетыш серем.

Тыгай сылне лүмым мыланем ковам пуэн. Авам – Оля, икымше буква на веле ойыртемалтеш. Ковамлан таум ойлем.

Юлия ЯГОДАРОВА.
Советский, Кельмаксала.



Историйым шергалына

Чемульпо эскадр

1904 ий 9 февральыште «Варяг» руш крейсер ден «Кореец» канонерский пуш бухтышто япон ваштареш геройлын кредалыныт.

Пушкин карте – сай йөн

Пушкин картым кумшо ий кучылтам. Тыгай йöным ылышышын гдармылан эре тауштем. Самырык тукумым тўвыра деке шўман-дымышт моткоч чын. Картым кучылтын, театрыш, тоштерыш, ончерыш, концертыш, кинош каяш лиеш. Могай мероприятийыш карте дене пураш лийме нерген «Культура РФ» сайтыште але «Госуслуги.Культура» мобильный приложенийыште ончаш йөн уло.

Пушкин карте полшыммо дене российысе у кино дене вигак палыме лиям. Авам дене пырля театрыш у постановкым ончаш миен толам. Ончыкыжымат пайдаланаш тўналам. Йоча-влак, теат Пушкин картым кучылтса!

Алексей ГРИГОРЬЕВ.
Медведево, Новотроицк.



Покупаем

ЛИПОВЫЙ МЁД

300 руб. за кг

Минимальный объем 400 кг

Сами приезжаем, тара на обмен, деньги сразу.

Тел. 8-965-356-57-14

Реклама.



0+

Марий Эл Республикысе «Марий Эл» увер агентстве» КАУ.
Директор – Е.И.КУЗНЕЦОВ.
Тўн редактор – А.Н.ГРИГОРЬЕВА.

Индекс П4696.
Тираж 1500 экз.
Заказ
Формат – А-4-8.

Учредитель-влак:
Марий Эл Республикысе Тўвыра, печат да калык-влакын пашашт шотышто министерстве,
Марий Эл Республикысе «Марий Эл» увер агентстве» КАУ.

Редакций да издатель: Марий Эл Республикысе «Марий Эл» увер агентстве» КАУ,
424006, Йошкар-Ола,
СССР Вооружённый Вийын 70-ше идалькыш урем, 20-шо порт.
Тел. 8(8362) 45-22-82.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме.
Типографийын адресше: 424000, Йошкар-Ола, Комсомольский урем, 112.


Печатьыш пумы жап – 14-00, фактически – 13-00.

Авторын да редакцийын шонымашышт тўрлө лийын кертят. Серыш-влак мўнгеш огыт колталт. Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влакклан)
Сайтын адресше: ямделий.рф

Газетым Кыл, информационный технологий да массовый коммуникаций сферым эскерыме шотышто федеральный службын Юл кундем федеральный округысо управленийыште регистрироватлыме.
Номер – ПИ № ТУ52-01404,
2023 ий 22 сентябрьыште пумы.

У конкурс

Келшыше
ўмылым муза.

Акростих

Пургыж тылзе


Поран, луман мардеж
Уремыште озаланат.
Роша, Курша курык марте
Галю, Эчан садак каят.
Ынде волак, издер дене,
Жапын ече ден чымат.

Только угыч каныш кече.
Ынже воло йоча кумыл.
«Лум лумеш, мотор игече!» –
Зоя кокай тольо, гүжлыш.
Еш кас марте модо, лүшкыш.

7-ше классыште тунемше-влак.
Волжский, Сотнур.

Врачлан рвезе деке
миен шуаш полшыза.

Шотлыза.

Сүретым ончен, цифр-влакым ушыза
да чиялтыза.